

ՀԱՅԱՍՏԱՆՈՒՄ ՎԱՂ ՔՐԻՍՏՈՆԵՈՒԹՅԱՆ ՏԱՐԱԾՄԱՆ ՄԻ ՔԱՆԻ
ՀԱՆԳԱՄԱՆՔՆԵՐԻ ՄԱՍԻՆ

5

Վ. Մ. ՎԱՐԴԱՆՅԱՆ

Հայաստանը վաղ քրիստոնեության տարածման ոլորտներից մեկն էր։ Դա պայմանավորված էր հելլենիստական Արևելքում Քրիստոսի առաքյալների թաղեցուցիչ և Բարդուղիմեոսի քարոզչական կանխորոշ գործունեությամբ։ Հայտնի է, որ հելլենիզմը թափանցեց ոչ միայն Հայաստան, այլև Իրան, որտեղ նույնացվում էին պարսկական և հունական աստվածները¹։ Կրոնապաշտամունքային աղերսներ կային նաև Իրանի և հելլենականացված Պոնտոսի ու Կապադովկիայի միջև։ Ստրաբոնը վկայում է, որ մ.թ.ա. I դ. կեսերին պարսից զորքի գրաված Զեյա քաղաքում (պոնտական Կապադովկիայում) պարսիկները կառուցեցին Անահիտի, Ոման և Անադատ պարսկական աստվածների տաճարները և ամենամյա կրոնական ծեսեր սահմանեցին²։ Այստեղից պարսից կրոնն ուղի հարթեց դեպի Արևմուտք՝ Հռոմեական կայսրության, որտեղ տարածվեց հնդկա-իրանական լույսի և բարության աստված Միթրասի (Միհրի) պաշտամունքը՝ վերածվելով արևի աստվածության³։ Նույն աստվածների պաշտամունքն առկա էր Հնդկաստանում և Իրանում⁴, ինչպես և Հայաստանում⁵։ Ուստի քրիստոնյա առաքյալները Արևելքում քարոզչական գործունեության համար միասնական ասպարեզ էին համարում Հնդկաստանը, Իրանը, և Հայաստանը։ Միջադեպը դիտվում էր որպես իրանական քաղաքակրթության մանրանկարը։ Տակիտոսը հիշատակում է, որ Նինիվեի մոտ էր գտնվում Հերակլեսի պաշտամունքի վայրը⁶։ Հերակլեսն այնտեղ անձնավորում էր պարսկական աստվածություն⁷։

Հնդկաստանում քրիստոնեության առաջին տարածողներ են համարվում Թովմաս և Բարդուղիմեոս առաքյալները։ Թովմաս առաքյալի հունարեն և հայերեն վկայարանությունների մեջ նշվում է Հնդկաստանում Թովմասի քարոզչության և նահատակման մասին⁸։ IV դ. մատենագիրներ Ծվսեբիոս Կեսարացին և Ծփրեմ Ասորին վկայում են Հնդկաստանում Բարդուղիմեոս առաքյալի քարոզչության մասին⁹, իսկ V դ. պատմագիր Սոկրատ Սքուաստիկոսը նշում է, որ Բարդուղիմեոսը քարոզել է իրեն վիճակված Հնդկաստանում և Հայաստանում¹⁰։ Հայերեն ձեռագիր հիշատակարաններում նույնպես նշ-

¹ The Cambridge history of Iran, vol. 3 (1). Cambridge, 1983, p. 77, 101—102.

² Страбон, География, пер. Г. А. Стратановского, Л., 1964, XI, 8, с. 484.

³ A. Olmstead, History of the Persian empire, Chicago, 1970, p. 479.

⁴ The Cambridge history..., p. 314.

⁵ Ենթադրվում է, որ Միթրասի (Միհրի) պաշտամունքը արտացոլված է «Սասնա ծռեր» էպոսում՝ ի դեմս Մեծ Մհերի (տե՛ս The Cambridge history, p. 534).

⁶ Корнелий Тацит, Сочинения, т. I, Л., 1970, с. 201.

⁷ The Cambridge history..., p. 77.

⁸ Տե՛ս G. Garitte, La passion Arménienne des Thomas l'apôtre et son modèle grec (Le Museon, Revue d'études orientales, LXXXIV, Louvain, 1971, p. 158, 192).

⁹ Ծվսեբիոսի Կեսարացու Պատմութիւն Եկեղեցւոյ, Վենետիկ, 1877, էջ 364, Ս. Ծփրեմի Մատենադրութիւնը, Կ. Ա., Վենետիկ, 1836, էջ 259:

¹⁰ Sokrates Kirchengeschichte. Herausgegeben von G. Hansen, Berlin, 1995, S. 60—61.

վում է Հնդկաստանում Թովմաս առաքյալի քարոզչության մասին¹¹։ Ուշագրավ է, որ Մաշտոցի անվան Մատենադարանում պահվող մի ձեռագրում (երում է «Պատմութիւն Թովմայի առաքելոյն ոտանաւոր չափիւք» վերտառութիւնը) պատմվում է Թովմաս առաքյալի Հնդկաստան մեկնելու, տեղի արքունիքին, բնակչությանը դարձի բերելու և նահատակվելու մասին։ Նույն ձեռագրում բերվում է մի պարսիկ զորականի տեսիլը, երբ նա, հրեշտակից ստացած հրամանի համաձայն, Թովմաս առաքյալի մասունքները տեղափոխում է Հայաստան՝ Վասպուրականի Ռշտունիք գավառի Պարծիս գյուղ, որտեղ առաքյալի նշխարների ամփոփման տեղում կառուցում է վանք¹²։ Վասպուրականը սահմանակից էր Իրանին, ուստի քրիստոնեությունը հնդկահրանական ոլորտներից կարող էր առաջին հերթին մուտք գործել այնտեղ։ Թովմաս առաքյալի մասունքները Հնդկաստանից պարսիկ զորականի կողմից Հայաստան տեղափոխելու մասին պատումը թերևս պատմական վերնուշ է երեք երկրներում քրիստոնեության տարածման գործընթացի միասնական արմատների մասին։ Ավելի ուշ Թովմաս առաքյալի պաշտամունքը տարածվեց Եդեսիայի թագավորությունում¹³, որը, նախքան մեր թվականությունը, ստեղծել էին Միջագետք թափանցած արաբները՝ Աբգարների տոհմի գլխավորությամբ¹⁴։

Հայ մատենագիրները ևս Քրիստոսի աշակերտներ Թադեոսի, Բարդուղիմեոսի և մյուս առաքյալների քարոզչության ասպարեզ են համարում Արևելքի երկրները։ Ագաթանգեղոսը գրում է, որ Քրիստոսի աշակերտները քարոզչություն են ծավալել Տի Մարս և ոմանք ի Պարթևս. ոմանք ի Խուժաստան...¹⁵։ Քրիստոնեությունը ծագեց Արևելքում և, բնականաբար, առաջին հերթին այն պետք է տարածվեր այնտեղ։ Այն-փաստը, որ ավանդական պաշտամությունը Թադեոսի և Բարդուղիմեոսի քարոզչության և նահատակության վայր է համարում Վասպուրականը, թույլ է տալիս կարծել, որ նրանք գործել են նախ Իրանում, ապա անցել են Հայաստան, որտեղ այդպիսով ավարտվել է նրանց քարոզչության վերջնափուլը։ Առաքյալների գլխավոր նպատակը հնդկահրանական երկրներում քրիստոնեության տարածումն էր։ Այլ կերպ նրանց առաքելությունը Արևելքում հեղաշրջող նշանակություն չէր ունենա։ Քանի որ Միջագետքը ևս գտնվում էր իրանական քաղաքակրթության ոլորտում, ուստի ավանդությունը Թադեոսի քարոզչության վայր է համարում նաև այդ երկիրը։ Բայց հարկ է նշել, որ Իրանից Թադեոսի և Բարդուղիմեոսի Հայաստան անցնելը վկայում է Իրանում նոր կրոնի տարածման դեմ հարուցված

11 Յուդակ հայերեն ձեռագրաց մատենադարանին Մխիթարեանց ի Վիեննա, կազմեց 2. Տաշեան, Վիեննա, 1895, էջ 56. A catalogue of the Armenian manuscripts in the British museum, London, 1913, p. 5.

12 2. Անասյան, Մանր երկեր, Լոս Անջելես, 1987, էջ 740—741.

13 Е. Мещерская, «Денния Фемы». К вопросу о языке оригинала (Кавказ и Византия, 6, 1988, с. 127).

14 Р. Фрайт, Наследие Ирана. М., 1972, с. 327.

15 Տե՛ս Ագաթանգեղայ Պատմութիւն Հայոց, աշխ. Գ. Տէր-Մկրտչեանի և Ստ. Կանաչեանցի, Տփղիս, 1909, ՂԳ, էջ 355, ՂԴ, էջ 357, Գիտելի է, որ Լուիշեն առաքյալների քարոզչության ասպարեզ է համարում նաև Արևելքը (Նդիշէի Վասն Վարդանայ և Հայոց պատերազմին, աշխ. Ե. Տէր-Միսասյանի, Երևան, 1957, 11, էջ 29)։ Գրիգոր Նարեկացին իր «Ներքող առաքելոց» գործում նշում է, որ առաքյալները քարոզել են «ղվարս արևելայինս Մարաց և Արևաց պարթևականաց» (տե՛ս Գրիգոր Նարեկացի, Մատենադրութիւնք, Վենետիկ, 1840, էջ 436)։ Թեև Բարդուղիմեոսի Վարթի պարոկոստանյան հատվածը երկնադարձված է վկայարանական երանգներով, սակայն արտացոլում է իրականպատմական անցքերը և ժամանակի հասարակական աշխարհագրությունը, ուստի որոշակի աղբյուրներ ունի ավելի հին սկզբնաղբյուրի հետ (տե՛ս J. Russell, Bad day at Buzzen Mhr. Notes on An Armenian legend of St. Bartolomew (Բազմավեպ, 1986, էջ 264—265),

արդևյբւորի մասին: Ինչպես ցույց են տալիս Սեւեկիայի և Դուրա-Նվրոպայի պեղումները, 1 դ. կեսերին, այսինքն՝ Թադեոսի և Բարդուղիմեոսի քարոզչության ժամանակ, Իրանի հոգևոր-մշակութային կյանքում վճռական բեկում տեղի ունեցավ դեպի տեղական հոգևոր արժեքները¹⁶, ինչը կարող էր օժնել քրիստոնեամեծ միտումներ:

Հայաստանում վաղ քրիստոնեության տարածումը արտացոլվել է Թադեոսի, Թարգուղիմեոսի և այլոց վկայաբանություններում, որտեղ թեև իրական-պատմական եղելությունները խճճված են վիպական, հնարած զրույցների մեջ, սակայն ավանգախառն այդ պատումներն ունեն տարբեր փոփոխական, ինչը որոշ հիմք է տալիս կարծելու, որ դրանք ունեցել են միասնական պատմական հենք: Ուշագրավ է, որ Փավստոս Բուզանդը և Մովսես Խորենացին նշում են, որ իրենցից առաջ ուրիշ մատենագիրներ գրել են Թադեոս առաքյալի գարողչության և մարտիրոսական մահվան մասին¹⁷: Անշուշտ, առաքյալները նկատի ունեն նաև Թադեոսի վկայաբանությունը¹⁸: Թադեոս առաքյալի մասին պատմում է սկսվում Մ. Վան էսբրոեկի՝ 1971 թ. հրատարակած Ագաթանգեղոսի Պատմության արաբերեն մի տարբերակը, որը սկսվում է հայերենից թարգմանված լինի¹⁹: Թադեոսի վկայաբանությունը հայերենի է թարգմանվել Սամուել Հրշի կողմից (ըստ նույն գրչի թողած հիշատակարանի)²⁰: Թարգմանությունը հավանաբար կատարվել է V դ. սկզբին, հունարենից կամ ասորերենից: Հայաստանում սակավ Տիգրան Մեծի մասնականներից կար հրեա, ասորի և հույն զաղթականություն, որը կարող էր նստաստել քրիստոնեության տարածմանը և, հնարավոր է, որ հենց նրանք էլ պահպանել և հետագայում հայերենի են թարգմանել Թադեոսի ու մյուս մարտիրոսների վկայաբանությունները:

Հայտնի է, որ 1 դ. քրիստոնեությունը հալածվում էր Հռոմեական կայսրությունում: Հայաստանը, իրեն Հռոմի «դաշնակից և բարեկամ», նույնպես բացասական դիրքորոշում ուներ քրիստոնյա քարոզիչների հանդեպ: Դա արտացոլվել է Թադեոսի և Բարդուղիմեոսի վկայաբանություններում²¹, որտեղ նկատելի է իրական-պատմական ատաղձը: Քրիստոսի այս երկու աշակերտները Հայաստան են ժամանել Հնդկաստանում և Իրանում իրենց քարոզչությունից հետո, Հայաստանում Արշակունիների գահակալումից առաջ՝ հավանաբար մ. թ. 30—50-ական թթ. միջև ընկած ժամանակամիջոցում, երբ Հայաստանում հիմնականում իշխում էին Հռոմի դրածոները: Վերջիններս, հասկանալի է, որդեգրելու էին կայսրության քրիստոնեահալած ուղեգիծը: Հռոմում քրիստոնյաների հանդեպ եղած հալածանքները կարող էին նրանց նկատմամբ հանդուրժմտություն սերմանել պարթև Արշակունիների արքունիքում և բնակչության որոշ խավերում: Այդ պայմաններում առաքյալների քարոզչության համար Իրանում կարող էր որոշակի հող ստեղծվել: Ուշագրավ է, որ պարսից քրիստոնեական եկեղեցին Իրանում քրիստոնեության առա-

¹⁶ История Ирана, М., 1977, с. 103.

¹⁷ Փավստոսի Բուզանդացու Պատմություն Հայոց, Ս. Պետերբուրգ, 1883, III, Ա, էջ 5, Մովսիսի Խորենացու Պատմություն Հայոց, աշխ. Մ. Արեղյանի և Ս. Հարությունյանի, Տիգրիս, 1913, II, 17, էջ 157:

¹⁸ Ստ. Մսիսյանց, Բանասիրական հետադոտություններ, Երևան, 1982, էջ 83:

¹⁹ M. Van Esbroeck, Un nouveau témoin du livre of Agathange [Revue des Etude Arméniennes, (այսուհետև՝ REA), Paris, N. 8, 1971, p. 22].

²⁰ Սոփեր հայկական, հ. Ը, Վենետիկ, 1853, էջ 58:

²¹ Տե՛ս նույն տեղում, էջ 16, 37—39, հ. Ժ, Վենետիկ, 1854, էջ 26—29, Մ. Ավգես-րեան, Լիակատար վարք և վկայաբանություն սրբոց, հ. Դ, Վենետիկ, 1813, էջ 35—37, 46—51, Թանգարան հայկական հին և նոր դպրութանց, հ. Գ, Անկանոն գիրք առաքելականք, կազմեց Շ. Բ. Զրաբեան, Վենետիկ, 1904, էջ 353—356, 365—366:

չին քարոզիչ է համարում Թադեոսին²²։ Բայց Քրիստոսն ուներ Թադեոս անվամբ երկու առաքյալներ. առաջինը նրա 12 աշակերտներից մեկն էր, որ հայտնի էր նաև Հուդա անունով. իրանում և Հայաստանում քարոզել է այս առաքյալը։ Մյուս Թադեոսը Քրիստոսի 72 աշակերտներից մեկն էր և ասորական գրականության մեջ հիշվում է Ադդա անունով։ Ասորական վաղագույն գրական երկերից մեկում՝ «Ադդայի վարդապետության» մեջ նշվում է, որ իբր տակավին Եդեսիայի Աբգար V թագավորի օրոք (մ. թ. 4—7, 13—50 թթ.) Ադդա-Թադեոսը քրիստոնեություն է տարածել Սարդենե պետության մեջ, և որ Աբգար V-ը ընդունել է նոր կրոնը, ապա Ադդա-Թադեոսը վախճանվել է Եդեսիայում²³։ Սակայն հայտնի է, որ Աբգար V-ը եղել է հեթանոս, չի ընդունել քրիստոնեությունը, որը Եդեսիայում ընդունվել է միայն Աբգար IX թագավորի (179—214) ժամանակ։ Եվսեբիոս Կեսարացին հավաստում է, որ II դ. կեսերին Եդեսիայում կային քրիստոնեական համայնքներ²⁴ (նկատենք, որ Եվսեբիոսի այս երկում ոչ մի հիշատակություն չկա Եդեսիայում Թադեոսի վախճանվելու մասին)։ Հասկանալի է, պատմական հիմքից զուրկ է Եդեսիայում Թադեոս առաքյալի քարոզչության և այնտեղ վախճանվելու մասին ավանդադրույցը, որը ստեղծված է համարվում Եդեսիայի թագավոր Աբգար VIII-ի (165—167) օրոք²⁵։

Ըստ Թադեոսի վկայաբանության, Թադեոսը և Բարդուղիմեոսը Հայաստանում միմյանց են հանդիպել Արտաշատ քաղաքի մոտ²⁶, հավանաբար, քրիստոնեությունը հայոց մայրաքաղաքում և, առաջին հերթին, արքունիքում սերմանելու նպատակադրումով (դրանից հետո ղյուրին կլինեի նոր կրոնը ժողովրդի մեջ տարածելը)։ Վկայաբանության մեջ նշվում է, որ Թադեոսը Միջադեռքից եկել է Հայաստան, Սանատրուկ թագավորի մոտ՝ նրա ամառային ապարանք, որը Վասպուրականի Արտաղ գավառի Շավարշան գյուղաքաղաքում էր։ Ընդ որում, Թադեոսը կարողացել է արքունի վերնախավի մի մասին դարձի բերել²⁷։ Սակայն Միջադեռքից Թադեոսի՝ Հայաստան ժամանելու զրույցը չի հաստատվում այլ սկզբնաղբյուրներով։ Այն, հավանաբար, վկայաբանության մեջ է ներմուծվել ասորական գրական ավանդության ազդեցությամբ²⁸։

Թադեոսի և Բարդուղիմեոսի վկայաբանության համաձայն, երկու առաքյալները սպանվել են Հայոց Սանատրուկ թագավորի հրամանով։ Ըստ Թադեոսի վկայաբանության մեկ այլ տարբերակի, այս առաքյալը Սանատրուկի հրամանով նահատակվել է Պարսկահայքի Որմի քաղաքում²⁹։ Վկայաբա-

²² J. Labourt, *Le Christianisme dans l'empire Perse sous la dynastie Sassanide*. Paris, 1904, p. 12—13.

²³ «Ադգայի վարդապետության» հայերեն թարգմանության մեջ Ադդեն (Ադդան) եդեսիայում քարոզելուց հետո մեկնում է Արեւելք՝ քրիստոնեություն տարածելու (տե՛ս Ղ Ե ր ու ռ ն ա Ե գ ե ս ա ջ ի, Թուղթ Աբգարու թագաւորի Հայոց, և քարոզութիւնք ս. Թադէի առաքելոյ, Երուսաղեմ, 1868, էջ 46)։

²⁴ Եվսեբիոսի Կեսարացի Պատմութիւն..., էջ 75։

²⁵ J. B. Segal, *Edesse, the Blessed city*, Oxford, 1970, p. 15.

²⁶ Մ. Ավգերեան, Լիակատար վարք և վկայաբանութիւն սրբոց, հ. Թ, Վենետիկ, 1813, էջ 480, Սոփիոթ հայկականք, հ. ԺԹ, էջ 25—26։

²⁷ Սոփիոթ հայկականք, հ. Ը, էջ 13 և ալն։

²⁸ Այս փաստն արձագանք է գտել նաև «Կանոնք առաքելականք» գործում (տե՛ս Կանոնագիրք Հայոց, աշխ. Վ. Հակոբյանի, հ. Ա, Երևան, 1964, էջ 61—62)։ Անշուշտ, Թադեոսի և Բարդուղիմեոսի վկայաբանություններն ունեցել են համաքրիստոնեական արմատներ և վիպականացվել, գրական տեսք են ստացել Հայաստանում (այս մասին տե՛ս M. Van Esbroeck, *La naissance du culte de S. Barthélemy en Arménie* (REA, 1983, № 17, p. 194—195)։

²⁹ Մ. Ավգերեան, նշվ. աշխ., հ. Թ., էջ 480։

նությունը Բարդուղիմեոսի նահատակվելը դնում է Ուրբիանոս քաղաքում³⁰, իսկ Մովսեսը հորենացին գրում է. «Վիճակեցաւ հայոց և Բարդուղիմէոս առաքեալ, որ ե կատարեցաւ առ մեզ յԱրեբանոս քաղաքի»³¹: Հետագայի եվրոպական որոշ աղբյուրներ նշում են, որ Բարդուղիմեոս առաքյալը նահատակվել է Մեծ Հայքի Ուրբիանոս կամ Արբանուպոլիս քաղաքում, որը նույնպես է հորենացու հիշատակած Արեբանոսի հետ³², (Թերես, Արեբանոսը կամ Ուրբանուպոլիսը եղել է Հայաստանի տաճարական կենտրոններից մեկը): Բայց Բարդուղիմեոսի լատիներեն վկայարանության մեջ նշվում է, որ այս առաքյալը նահատակվել է Հնդկաստանում³³:

Իհարկե, Սանատրուկի հրամանով Թադեոսի, Բարդուղիմեոսի և նրանց հետևորդների նահատակվելը պատմականորեն չի հիմնավորվում այն պարզ պատճառով, որ Սանատրուկը ժամանակակից չէ այդ առաքյալներին: Նա թագավորել է I դ. վերջին ե II դ. սկզբներին³⁴: Ա. Գարազայանը կարծում է, որ Թադեոսին ու Բարդուղիմեոսին սպանած պետք է լինի մ. թ. 30—40 թթ. Հայաստանում գահակալած Միհրդատը՝ վրաց Փարսաման թագավորի եղբայրը³⁵, որը, ինչպես հայտնի է, Հռոմի դրածոն էր և, հարկ է, որ Հայաստանում իրականացնելու նրա քրիստոնեացիական քաղաքականությունը: Բայց նույնքան հետևողականությունը քրիստոնեացիական քաղաքականության կարող էին հալածել նաև հեթանոսաբարո հայ նախարարները: Այսպես կարծելու համար որոշ հիմք է տալիս Մովսես Անգեղտուն դավառի կենտրոն, եպիսկոպոսանիստ Անդրդ ընդառաջաբերում Թադեոսի նահատակության մասին ավանդությունը, որի հետ թերես աղբյուր ունի Անգղում քրիստոսի մեկ այլ առաքյալի՝ Անդրեասի նահատակության մասին ասորական ավանդությունը³⁶: Հնարավոր է, որ Թադեոսն իրոք նահատակվել է Անգղում, տեղացի իշխանի կողմից, բայց ավանդությունն այդ արյունոտ ոճիբը վերադրել է Սանատրուկ թագավորին³⁷: Գուցե Սանատրուկը Թադեոսին սպանող է ներկայացվել այն պատճառով, որ հայոց թագավոր լինելով, մտել է ժողովրդի հիշողության մեջ, նրա մասին հնագույն ժամանակներից պահպանվել են ավանդություններ³⁸:

Անկախ այն բանից, թե ում ձեռքով և որտեղ է նահատակվել Թադեոսը, ունի է ընդունել, որ նա քարոզչական գործունեություն է ծավալել Իրանում ե Հայաստանում՝ բարձրորով, հավատալիքներով միմյանց մերձավոր դրացի այդ երկրներում: Հավանաբար պատմական այս իրողության ազդեցությամբ է, որ Ազաթանգեղոսը Գրիգոր Լուսավորչի հորը՝ Անակին, համարում է պարթև, իմա՝ Իրանի զավակ³⁹: Միջադեպից Թադեոսի Հայաստան անցնելու ավանդությունը հավանորեն պետք է ստեղծված լինի այն իրողության ուժով, որ Միջագետքը Արշակունյաց Իրանի քաղաքական ազդեցության ոլորտում էր, ուստի նրա հետ միասին կարող էր դառնալ առաքյալների քարոզչության ասպարեզ: Եվ որովհետև Հայաստանը դարձավ Թադեոսի քարոզչության բնագավառը, ուստի ավանդությունը Իրանը, Միջագետքը և Հայաստանը դիտում է որպես այդ առաքյալի քարոզչական գործունեության

³⁰ Սովինքը հայկական, հ. ԺԹ, էջ 29:

³¹ Մովսեսի հորենացու Պատմություն..., II, 17, էջ 158:

³² J. Marquart, Untersuchungen zur Geschichte von Erzu, II, Leipzig, 1906, S. 232—233.

³³ Նույն տեղում, էջ 232:

³⁴ Հ. Մանանդյան, Երկեր, հ. Բ, Երևան, 1978, էջ 19: M. Van Esbroeck, Le roi Sanatruk et l'apôtre Thadée (REA, 1972, t. IX, p. 242).

³⁵ Ա. Գարազայան, Քննական պատմություն Հայոց, Թիֆլիս, 1895, էջ 273:

³⁶ Н. Адонц, Армения в эпоху Юстиниана, СПб., 1908, с. 347.

³⁷ Հմմտ. M. Van Esbroeck, Le roi Sanatruk..., p. 282—283.

³⁸ J. Marquart, Untersuchungen... II, S. 231—232.

³⁹ Ազաթանգեղոսի Պատմություն..., Բ, էջ 20—22, ԺԱ, էջ 70—71:

միասնական ոլորտ: Նույն մտայնությամբ է. որ պահանջ առաքելականքում ասվում է. Թե Թադեոսը հոգեհրականներ է ձեռնադրել Միջագետքում, Իրանում և Հայաստանում⁴⁰:

Մովսես Կաղանկատվացին Թադեոսին համարում է նաև Աղվանքում քրիստոնեություն տարածող՝ այն լծորդելով Հայաստանում նրա քարոզչական գործունեության և նահատակության հետ: Պատմիչը Աղվանից առաքյալ է համարում Եղիշին, որը Թադեոսի աշակերտն էր և Հայաստանում քրիստոնեությունը հետո անցել էր Աղվանք: Մատթեոս Ուռեայեցին Թադեոսին ու Բարդուղիմեոսին համարում է Աղվանից եկեղեցու հիմնադիրներ՝ միաժամանակ շեշտելով Հայաստանում նրանց քարոզչության մասին⁴¹:

Հայաստանում Թադեոսի, Բարդուղիմեոսի գործունեությունը արտացոլել է գտել նաև նրանց կողմից բազմաթիվ վանքերի ու եկեղեցիների հիմնարկման մասին եղած հալ ժողովրդական ավանդության մեջ, որի համաձայն, Հայաստանում Թադեոսն ու Բարդուղիմեոսը հիմնել են մոտ հազար եկեղեցի⁴², Հնդ որում, որանց զգալի մասը հիմնարկված է համարվում Վասպուրականում և հարակից շրջաններում, որոնք, ինչպես վերևում նշվեց, Իրանին սահմանակից էին: Ընդհանուր առմամբ է, որ Մովսես Խորենացուն վերագրվող «Վատասխանի թղթոյն Սահակայ» գործում ասվում է, թե Բարդուղիմեոս առաքյալը «մոգուց և Պարսից» երկրից անցել է Վասպուրական և հեթանոսական պաշտամունքի կենտրոն Դարբնաց քաղաքում (Անձեացյաց գավառ) հիմնել է եկեղեցի՝ նրա մեջ ամփոփելով Տիրամոր պատկերը, իսկ եկեղեցին անվանել է Հոգեաց վանք՝ այսինքն Տիրամորն⁴³, Անշուշտ, ժողովրդական սովանդության մեջ կարող էր երկնազարդվել պատմական իրականություններ: Թադեոսի և Բարդուղիմեոսի մասին ժողովրդական երեակայության մեջ առկա վկայաբանական պաշտոնական բերանավորումները, այդ առաքյալների հրաշագործ արարքները, նույնքան հրաշապատում մարտիրոսագրությունը, Հայաստանի առաջին եկեղեցիները հիմնելու մասին պատմությունները, հասկանալի է, հետևանք են նրանց գործունեության վիպականացման, ժողովրդի վրա առավել ներգործություն թողնելու նպատակադրման: Բայց սա ամենևին էլ նշանակում, թե Հայաստանում առաքյալների գործունեության մասին տեղեկությունները զուրկ են պատմական հիմքից: Ժողովրդական երեակայությունը սնունդ է առել պատմական իրականությունից, իհարկե, չափազանցելով այն: Նկատենք, որ Հայաստանում քրիստոնեության վաղ շրջանում վանքերի ու եկեղեցիների հիմնարկման մասին կան նաև ուրիշ վկայություններ: Այսպես. Ստ. Օրբելյանը գրում է, որ Մյուսյաց Թանահատի վանքի արձանագրությունների համաձայն, այդ վանքը կառուցվել է Հայոց թվականից «460 ամալ յա-

40 Տե՛ս Կանոնադիրք Հայոց, Ա, էջ 61—62:

41 Մովսես Կաղանկատվացի, Պատմություն Աղուանից աշխարհի, աշխ. Վ. Առաքյալների, Երևան, 1983, I, 2, էջ 10:

42 Նույն տեղում, էջ 10—11: Այս մասին տե՛ս ն. Ա. Կիսյան, Մովսես Խորենացի (կոչված Կաղանկատվացի) և իր Պատմություն Աղուանից, Վիեննա, 1970, էջ 70—71, Բ. Ուրբախյան, Աղվանից կաթողիկոսության ստեղծման հանգամանքների հարցի շուրջը (Հայկադյան հայագիտական հանգես, հ. VII, Բելյուր, 1979, էջ 39):

43 Մատթեոս Ուռեայեցի, Ժամանակագրություն, Վաղարշապատ, 1898, էջ 4—5:

44 Ղ. Ալիշան, Արշալոյս քրիստոնեության Հայոց, Վենետիկ, 1920, էջ 30:

45 Մովսեսի Խորենացու Մատենագրությունը, Վենետիկ, 1865, էջ 294—295: Լ. Ս. Խաչիկյանը Հոգյաց վանքի հիմնարկման մասին ավանդությունը համարում է 870—880-ական թթ. Արծրունիների քաղաքական նկրտումների ջատագով հոգևորականի ստեղծած [Լ. Խաչիկյան, Հայ միջնադարյան պատմության զնահատման հարցի շուրջ (Աշխատություններ, հ. Ա, Երևան, 1995, էջ 111—112)]: Իհարկե, Արծրունիները կարող էին անցյալը չահարկել իրենց քաղաքական նպատակների համար: Բայց նրանք կարող էին հիմք ընդունել նաև ժողովրդական ավանդությունը, որը, անշուշտ, ունեցել է իրական-պատմական հենք:

ոաջ⁴⁶, Թե՛ այս և թե՛ ուրիշ վանքեր ըստ էության եղել են նաև I դարում քրիստոնեություն ընդունած մենակյացների կացարաններ, որտեղ նրանք կատարել են պաշտամունքային արարողություններ: Իրանք հետագայում, նախքան 301 թվականը, հետզհետե ձեռք են բերել վանական հաստատության, եկեղեցու գծեր⁴⁷:

Թադևոսի և Բարդուղիմեոսի քարոզությունը Հայաստանում անցողիկ երևույթ չէր, այլ շարունակվեց՝ վերաճելով կազմակերպչական ուրույն ձևերի, որոնք դարձան նոր կրոնի հարատևման, ամրապնդման երաշխիքներից մեկը: Իրան կարող էր նպաստել I դ. Մեծ Հայքի նկատմամբ Հռոմի վարած նվաճողական քաղաքականությունը, որի պայմաններում քրիստոնյա քարոզիչները կարող էին որոշ ընդունելություն գտնել Հայաստանում, որպես կայսրության հակոտնյա նոր կրոնի ու գաղափարախոսության կրողներ: Ի դեմս նրանց, Թադևոսի ու Բարդուղիմեոսի ցանած հոգևոր սերմերը ծլարձակեցին, նոր շունչ ու ոգի առան հայոց հոգևոր անդամատանում՝ բնակչության մի որոշ մասի մեջ սնուցանելով նոր կրոնի գաղափարները: Այս պայմաններում քրիստոնյա հայերը պե՛տք է պաշտպանեին իրենց և կազմակերպվեին իբրև կրոնական համայնք: Խհարկե, քրիստոնեության խաղաղ գոյակցումը հեթանոսության հետ հնարավոր չէր՝ վերջինիս մարտնչող անհանդուրժողության պատճառով: Հայածանքները Հայաստանի քրիստոնյաներին ստիպեցին անցնել ընդհատակ՝ պահպանելով կրոնական համայնքի հատկանիշները: Ուշագրավ է, որ Փավստոս Բուղանդը քանիցս հիշատակում է Թադևոսի վիճակը, աթոռը՝ Լևոնաբար, դեռ Թադևոսի ժամանակներից Հայաստանում արմատավորված քրիստոնեությունն ունեցել է իր ղեկավար կենտրոնը՝ հիմնված առաջին առաքյալների կողմից: Այս է պատճառը, որ հետագայում, հայոց ուղարկական դարձից (301 թ.) հետո ժամանակակիցները համոզված էին, որ Իրիզոր Լուսավորչի և նրա հաջորդների աթոռը հիմնված է եղել Թադևոսի կողմից⁴⁸:

Նախադրիգորյան հայոց եկեղեցական կենտրոնի գոյության մասին ուսամական վերհուշը սեզ է գտել նաև այսպես կոչված՝ Արտազի աթոռի զավաղանադրքում, ուր փորձ է արվում Արտազի եպիսկոպոսական կենտրոնը ներկայացնել որպես առաքյալների կողմից հիմնված աթոռ⁴⁹: Մ. Սրմայանը հենվելով զավաղանագրքի տվյալների վրա, շարադրում է Արտազի եպիսկոպոսների պատմությունը ընդհուպ մինչև III դ.⁵⁰, որն իհարկե, չի հիմնավորված, քանի որ նույնիսկ 449 թ. Արտաշատի և 506, 554 թթ. Դվինի ժողովներում Արապում եպիսկոպոսներ չեն հիշվում: Արտազյան զավաղանագիրքը կազմվել է XIV դ., Արտադում բուն հյուսած կաթոլիկ միսիոներների դեմ մղված պայքարի ժամանակ: Նրա կազմողները հիմք են ունեցել Հայաստանում Թադևոսի ու Բարդուղիմեոսի քարոզչության և Արտադում Թա-

46 Ս տ ե փ ա ն ն ո ս Օ ր ի է լ և ն, Պատմութիւն Նահանգին Սիսական, Թիֆլիս, 1910, լԴ, էջ 160:

47 Այս առումով հետաքրքիր է, որ Հայաստանի Հանրապետության Հուշարձանների պահպանության կոմիտեի հնագիտական արշավախումբը 1994 թ. ամռանը Շուշիից մոտ 50 կմ հյուսիս ընկած տեղանքում՝ Խաչենազետի հովտում (Վանքասար բլրի լանջին) հայտնաբերել է ժայռափոր եկեղեցական համալիր, որը ստեղծվել է 301 թ. առաջ: Նրա մերձակայքում եղած ժայռափոր դամբարաններում հավանաբար ամփոփվել են Արցախում, Ուտիքում քրիստոնեություն սերմանող առաջին լուսավորիչների մասունքները (այս մասին տե՛ս Հայաստանի Հանրապետություն, 2. IX. 1994):

48 Փ ա վ ս տ ո ս ի Բ ու ղ ա ն դ ա ղ ո ղ Պատմութիւն... III, ԺԴ, էջ 35, IV, Գ, էջ 60, Դ, էջ 62 և այլն:

49 Հմմտ. Պ. Ա ն ա ն յ ա ն, Քրիստոնեության հետքեր Հայաստանի մեջ Ս. Գրիգոր Լուսավորչի քարոզչութենն առաջ, Վենետիկ, 1979, էջ 38:

50 Արարատ, 1868, էջ 102—105:

51 Մ. Օ ո մ ա ն յ ա ն, Ազգապատում, հ. Ա, Կ. Պոլիս, 1912, էջ 40—69:

դեռ օրի նախատեղություն մասին ժողովրդական ավանդությունը: Դրան, անշուշտ, կարող էր նպաստել Արտազունը ս. Թադեոսի գերեզմանի և նրա անվամբ հուշակավոր վանքի գոյությունը:

Հայաստանում և Իրանում III դ. քրիստոնեական համայնքների գոյություն մասին կան արժանահավատ տվյալներ: Նույն դարի աֆրիկացի մատենագիր Տերտուլիանոսը (վախճանվել է 240 թ.) իր «Ընդդեմ հրեից» (հունարեն) երկում քրիստոնյա ժողովուրդների շարքում հիշատակում է նաև պարթևներին, մարերին, Հայաստանի և Միջագետքի բնակիչներին⁵²: Հետևաբար, Հայաստանի քրիստոնյա բնակիչները մենակ չեն դիմակայել քրիստոնեության դեմ հարուցված բռնություններին: Նրանց ճակատագիրն ինչ-որ չափով կիսել են նաև հարևան երկրների հավատակիցները: Հայաստանում III դ. քրիստոնյաների դեմ եղած բռնությունների մասին վկայում է Մովսես Խոբենացին, որի հաղորդման համաձայն, կեսարացի Փերմելիանոս եպիսկոպոսը (վախճանվել է 260 թ.) գիրք է դրել քրիստոնեական եկեղեցիների դեմ հարուցված բռնությունների մասին (երկը չի պահպանվել): Այդտեղ հեղինակը նկարագրել է նաև հայոց Խոսրով I թագավորի (196—216) և նրա հաջորդների ժամանակ Հայաստանում քրիստոնյաների հանդեպ եղած հալածանքների, բազում հավատացյալների նահատակության մասին⁵³: Պետք է կարծել, որ այս հալածանքները հետևանք էին Հռոմեական կայսրության վարած քաղաքականության: Դիոն Կասսիոսի վկայությամբ, Հռոմի Կարակալա կայսրը (211—217) թշնամական վերաբերմունք ուներ նաև հայոց թագավորի (Խոսրով I-ի) հանդեպ և նույնիսկ, խաբեությամբ իր մոտ հրավիրելով, կալահեց նրան⁵⁴: Հասկանալի է, որ կայսրը, որ հայտնի էր քրիստոնյաների դեմ հարուցած բռնություններով, չէր հանդուրժի նաև Հայաստանի քրիստոնյաներին: Մյուս կողմից, Հայաստանում քրիստոնյաների հանդեպ ծավալված հետապնդումները վկայում են նոր կրոնի հարաճուն ազդեցության մասին: Ըստ երևույթի, հռոմեական կայսրերի քրիստոնեահալած ուղեգծի պատճառով էր, որ Սասանյան առաջին թագավոր Արտաշիրը (224—241) հանդուրժող էր քրիստոնյաների հանդեպ: VI դ. ասորի պատմագիր Մշիխան Ջիխան, որ օգտվել է II—III դդ. ասորի մատենագիր Հարել վարդապետի՝ մեզ չհասած երկից, գրում է, որ Սասանյանների տիրապետության սկզբնաշրջանում քրիստոնյաների համար խաղաղության շրջան եղավ, որը և օգնեց այդ կրոնի տարածմանն ու ծավալմանը... Բայց Արևմուտքում հալածանքները երբեք չէին դադարում, և ամեն օր քրիստոնյաների արյունը հոսում էր շուկաներում ու փողոցներում...⁵⁵:

Գրիգոր Լուսավորչից առաջ Սյունիքում քրիստոնեական կենտրոնի գոյության մասին նշում է սյունյաց պատմիչը⁵⁶, անշուշտ, հենվելով իրենից առաջ եղած գրավոր վկայությունների և ժողովրդական ավանդությունների

⁵² Gabrol, Dictionnaire d'Archeologie Chretienne, Paris. 1903, II, p. 1160. Դ. Ալիշան, Նշվ. աշխ., էջ 16, Մ. Յոսեֆեան, Նշվ. աշխ., էջ 60, Վ. Հաջուհի կարծում է, որ Տերտուլիանոսի մոտ Հայաստանի փոխարեն պետք է ընթերցել Հրեաստան (Վ. Հաջուհի, Կոմիտե խնդիրներ Հայ եկեղեցվոյ պատմությանը, Վենետիկ, 1927, էջ 145—146): Բայց այդ կարծիքը չի հիմնավորված: Հունարեն բնագրում Հայաստան (Արմենիա) և Հրեաստան (Հուդա) անունները գրերով իսկ նմանության եզրեր չունեն: Ս. Կոզյանը ես հակված է սրբագրելու Արմենիա անունը Տերտուլիանոսի մոտ, առանց ծանրակշիռ փաստեր բերելու (տե՛ս Հ. Ս. Կոզյան, Հայոց եկեղեցին, Բևրութ, 1961, էջ 53—64):

⁵³ Մովսիս Խոբենացի Պատմություն..., II, 26, էջ 212:

⁵⁴ Հին հունական աղբյուրներ, Հովսեպոս Փլավիոս և Դիոն Կասսիոս, Թարգմանաթյունը, առաջաբանը և ծան. Ս. Կրկյաշտրյանի, Երևան, 1976, էջ 231:

⁵⁵ Տե՛ս Ասորական աղբյուրներ, Ա. Թարգմանությունը, առաջաբանը և ծան. Հ. Մելքոնյանի, Երևան, 1976, էջ 83:

⁵⁶ Ստեփաննոս Օրբելիան, Զ, էջ 88:

վրա: Առարկություններ չհարուցող վկայություն կա Եվսեբիոս Կեսարացու մոտ, ըստ որի, Ալեքսանդրիայի հայրապետ Դիոնիսիոսը (248—265) շնորհալուստ և առ Հայս դրեաց թուղթ վասն ապաշխարութեան, որոց եպիսկոպոս էր Մերութան⁵⁷, Հ. Գեղեցերը Մերութանին համարում է Վասպուրականի եպիսկոպոս⁵⁸, ն. Ադոնցը, վիճարկելով Հ. Գեղեցերի կարծիքը, գտնում է, որ Մերութանը եղել է ոչ թե Վասպուրականի, այլ Մոփքի (որը նա համարում է Արծրունիների նախնական ոստանը) եպիսկոպոս⁵⁹, Բայց այս կարծիքը չի ապացուցվում: Մ. Օրմանյանը Մերութանին համարում է Արտազի եպիսկոպոս՝ մոտ 240—270 թթ., ելնելով նրա անվան՝ միայն Արծրունիների տոհմին պատկանելու: փաստից⁶⁰, Սակայն III դ. կեսերին Արտազը դեռևս չէր մտնում Արծրունյաց իշխանության մեջ: Դ. Ալիշանը Մերութանին համարում է Մեծ Հայքի բրիտանյանների առաջնորդ⁶¹, նույն կարծիքին է նաև ն. Ակինյանը⁶², Ավելի հավանական է Մերութանին դիտել որպես Արծրունյաց իշխանության եպիսկոպոս: Վերջինիս իրավասության շրջանակները հավանաբար դուրս չէին դալիս այդ իշխանության ոլորտից, որը III դ. ներառում էր միայն Ադրակը և հարակից շրջանները: Ֆրանսիացի պատմաբան Լ. Դյուլենը, ելակետ ունենալով այն փաստը, որ III դ. կեսերին Հռոմի կայսր Դեկոսի քրիստոնեահալած քաղաքականությունը չէր կարող գործադրվել անկախ Հայաստանում, դառնում է, որ Դիոնիսիոսը պետք է դիմեր Հռոմի գերիշխանությանը ենթակա Փոքր Հայքի եպիսկոպոսին, որը Մերութանն էր⁶³,

Ավելի հավանական է կարծել, որ Դիոնիսիոսը Մերութանին, իբրև Մեծ Հայքում աղյուսակ հոգևոր առաջնորդի, նամակ է հղել՝ ելնելով Հայաստանում քրիստոնեության համար ստեղծված ծանր կացությունից: Եզրապատի հովվապետը կամեցել է ոգեպնդել Հայաստանի հավատացյալներին: Ինչևէ, Մերութանին Դիոնիսիոսի հղած թուղթը վկայում է Հայաստանում III դ. կեսերին կազմակերպված և մյուս եկեղեցիների կողմից ճանաչում գտած եկեղեցու յուրության մասին: Այն նաև վկայում է, որ Հայոց եկեղեցին անմասն չէր ընդհանրական եկեղեցու ձեռնարկումներին, իսկ վերջինս որոշակի հետաքրքրություն էր ցուցաբերում Հայաստանի հանդեպ: Թերևս դրանով պետք է բացատրել III դ. սկզբին Եզրապատից ասորի քրիստոնյա գիտնական Բարդաժանի ժամանելը Հայաստան և Դարանաղյաց Անիում հայոց թագավորների պատմությունը շարադրելը⁶⁴, III դ. վերջերին Հայաստանում քրիստոնեություն ավելի խոր արմատներ էր ձգել: Այդ մասին է վկայում Տրդատ III-ի կողմից քրիստոնեություն արգելելու մասին հատուկ հրովարտակի արձակումը⁶⁵ և, վերջապես, նույն Տրդատի կողմից 301 թ. պաշտոնապես քրիստոնեության ընդունումը:

Քրիստոնեությունը պետականորեն ընդունելու փաստը կանխորոշեց նաև մեր եկեղեցու՝ որպես հայոց պետականության ավանդապահի և ազգահավաքման կայուն երաշխիք լինելու հանգամանքը: Այն անկախության հետամուտ հայ ժողովրդի հոգևոր և պետական կենսունակության, զաղափարական մաքառումների դաշտում նրա ուժի ու կորովի դրսևորումն էր, որը ոչ

⁵⁷ Տե՛ս Եվսեբիոս Կեսարացու Պատմություն..., էջ 517 (այս թուղթը կորած է համարվում):

⁵⁸ Հ. Գեղեցեր, Փավստոս Բուզանդ կամ Հայկական եկեղեցվո սկզբնավորություն, Վենետիկ, 1806, էջ 161—162:

⁵⁹ Լ. Ա. ԱճՈՒԱ, նշվ. աշխ., էջ 347:

⁶⁰ Մ. Օրմանյան, նշվ. աշխ., էջ 63:

⁶¹ Դ. Ալիշան, նշվ. աշխ., էջ 81—82:

⁶² Դիոնիսիոս Աղեքսանդրացի, Թուղթ վասն ապաշխարութեան առ Մեծ-նոստան եպիսկոպոս Հայոց, հրատ. Հ. Ն. Ակինյան (Հանգես ամսորյա, 1949, էջ 66):

⁶³ Հանգես ամսորյա, 1910, էջ 269—270:

⁶⁴ Մովսիս Խորենացու Պատմություն..., II, 42, էջ 201—202:

⁶⁵ Ազգաթանգեղայ Պատմություն..., էջ 77:

միայն նախապատրաստեց Կ դարի մեր մշակույթի ոսկեդարը, այլև Ավարայրի շուրջադնշունը էպոպեան, որին փաստորեն նախորդեց չայոց մարտի խառնի գաղափարաբան գեներով շահված հոգևոր Ավարայրը:

О НЕКОТОРЫХ ОБСТОЯТЕЛЬСТВАХ РАСПРОСТРАНЕНИЯ РАННЕГО ХРИСТИАНСТВА В АРМЕНИИ

В. М. ВАРДАНЫАН

Р е з ю м е

В 1-ом веке христианские апостолы Товма, Фаддей и Варфоломей, согласно источникам, проповедовали в Индии, Иране, а затем в Армении. В армянских и иностранных источниках (имевших особое функциональное назначение и воспроизводящих народную традицию первых веков н. э.) отмечается также, что Фаддей и Варфоломей занимались проповедничеством и в сопредельной с Ираном армянской области Васпуракан, где и были убиты. На основе этих фактов можно заключить, что вначале они развернули деятельность в Индии, затем в Иране, после чего переехали в Армению, вероятно, в 30-ых годах 1 века н. э., когда в Армении правили римские ставленники, которые, очевидно, и преследовали этих апостолов.